



Broj: 11-01-05-15201- 2/16  
Sarajevo, 26.04.2016. godine

28-04-2016

**SKUPŠTINA KANTONA SARAJEVO**  
n/r predsjedateljice Skupštine Kantona Sarajevo

**PREDMET: Informacija o poduzetim aktivnosti u vezi sa pokrenutom zastupničkom inicijativom konzumiranja nargile, dostavlja se**

**Zastupnička inicijativa**

Zastupnica Ana Babić je na 13. Radnoj sjednici Skupštine Kantona Sarajevo, održanoj dana 30.03.2016.godine, u okviru tačke Dnevnog reda, „Zastupnička pitanja, inicijative i odgovori,“ a u skladu sa Poslovníkom Skupštine Kantona Sarajevo, pokrenula zastupničku inicijativu vezano za konzumiranje nargile i istu dostavila u pisanoj formi:

*„Došlo je do poražavajućih podataka da više malodobnika već od 12. godina, skoro svakodnevno konzumira nargilu, a pri tome nisu informirani o brojnim štetnim posljedicama konzumiranja iste.*

*Obrazloženje: Zbog konzumiranja nargile javljaju se česte glavobolje, manjak koncentracije, velika bezvoljnost, a to se odražava na njihove rezultate u školi, a i na fakultetu. Mladi postaju napeti, što nerijetko prelazi u agresivnost, a zabilježene su i ozbiljne depresije.*

*Zato molim odgovorne institucije vlasti da ovaj problem smatraju visoko ozbiljnim, te da se poduzmu mjere kako bi se javnost o ovome educirala. A plašim se da će ovaj problem izmaći kontroli, ako ne bismo preventivno djelovali.*

*Zato treba pojačati inspeksijski nadzor nad nargilama, a od strane Ministarstva unutrašnjih poslova Kantona Sarajevo, Ministarstva zdravstva Kantona Sarajevo, te Ministarstva za obrazovanje, nauku i mlade Kantona Sarajevo tražim potporu u iznalaženju rješenja za navedeni problem.“*

**Informacija**

Ministarstvo za obrazovanje, nauku i mlade Kantona Sarajevo prihvata i podržava Zastupničku inicijativu, te je u skladu sa svojim nadležnostima, već krenulo u iznalaženje rješenja za rješavanje problema koji mogu nastati kao posljedica konzumiranja nargile.



U tu svrhu Ministarstvo je pripremio uputstvo za postupanje oko pokretanja i provođenja aktivnosti u preventivnom djelovanju kod konzumiranja nargile, te ga planira dostaviti svim osnovnim i srednjim školama, a kojeg i vama dostavljamo.

Mišljenja smo da škole nisu pogodne lokacije za konzumiranje nargile, već da su to ugostiteljski objekti, a neki od njih se nalaze i u blizini škola. Obzirom da Ministarstvo za obrazovanje, nauku i mlade nema nadležnost u odobravanju i kontroli rada objekata u kojima se konzumira nargila, ono što možemo učiniti je preventivno djelovanje, a jedna od mogućnosti je kao u dopisu kojeg smo proslijedili školama.

S poštovanjem,



Prilog:

- Uputstvo za postupanje

Dostavljeno:

- Skupštini Kantona Sarajevo,
- Ministarstvu,
- a/a

